

**TE
COLTAYEL
YA XTAL
TA CAJAL**



TE COLTAYEL YA XTAL TA CAJAL

Te Coltayel Ya Xtal Ta Cajal ja'ito tsabil loq'uel ta Xch'ul C'op Cajwaltic. Ta chajbal-chajb-jch'unetic te mayuc yan mach'a ya xju' ya xcholbey. Te smeletil C'op Cajwaltic ja'naax stuq'uel te xch'ul jun.

Te Xch'ul C'op Cajwaltic "c'alal ta cajal ya xc'otel" te melet ya me snojesbot ta. Yo'tanic te bila leque te mach'atic ayic ta winal soc te mach'a tacin yo'tanic. Yu'un te bia toj ta pasele, c'alal ya sujt'es yo'tan tul mulawil, ya yic'itay jilel. Te motile ya Yic'ochel nainuc ta yo'tan te Cajwaltique, ya xch'uun ta melet te ja'coltaywane stuquel, yich yu'un te Cajwaltic ya me yac'bey yil te jelawen. Yutsil yo'tan soc lamaluc me q'uinal ya ya'ay te mach'a ya xch'uunique. Ta sjawilal juc' lajuneb juc' winique jo' bajc' (1937) c'ot ta jtojol le jach'ca'aybey te yutsilal te Cajwaltique. Te me ma'toba a pasoje' Ic'a Ochel taj wo'tan te Cajwaltic ja' i C'AALTO ma me xjalajat.

-Watson Goodman (1920-2002)

Biblical text is owned by Bible Society of Mexico AC, 2001, used with permission. This publication is going to be only for its free distribution.

TE XC'UXUL YO'TAN TE CAJWALTIQUE 1

Soc uuc te Jesucristoe te jun yo'tan ay ta testigoe, te ja' sbabial cha'cux tel yu'un te mach'atic lajemique, te ja' Muc' Ajwalil te cajal yat'el yu'un te muc' ajwaliletic ta balumilale. Ja' te mach'a c'uxotic ta yo'tan, soc te la spocbotiquix loq'uel spisil jmultic ta xch'ich'ele. -Apocalipsis 1:5

“Ta c'ubul tal cac' jba ta ilel yu'unic. Jo'on c'uxbajemat ta co'tan sbajt'el q'uinal; ja' yu'un jich nix yutsil co'tan ta atojol ta ora to.” -Jeremías 31:3

Nopol ya sta yorail te q'uin Pascuae. Te Jesús sna'oj te c'otix yorail te ya yijq'uitay jilel in balumilal to soc te ya xbajt'ix ta stojol te State. Spisil ora c'ux la yaiy ta yo'tan te mach'atic ay yu'un ta balumilale, soc la yac'bey xan yilic te c'uxbajem ta yo'tan c'alal ta slajibal. -Juan 13:1

Ja'uc me to, te Diose la yaq'uix ta ilel te bayal c'uxotic ta yo'tan te bit'il la yac' sba ta lajel cu'untic te Cristoe, manchuc teme mero jmulawilotique. -Romanos 5:8

“Melel te Diose bayal c'ux la yaiy ta yo'tan spisil te ants-winiquetique. Jich yu'un la yac'bey te jip jtul Snich'ane, swenta yu'un spisil te mach'a ya xch'uune, ma xch'ay, jich me ya sta xcuxlejal sbajt'el q'uinal.” -Juan 3:16

(Ma'ba yu'un chanel-majt'anil)

2 TE CAJWALTIQUE JA' JESUCRISTO

Ta xjajch'ibal ay te C'opile. Te C'opile jun ay soc te Diose, soc ja' nix Dios te C'opile. Te C'opile la yich'sbaq'uetal, soc nain ta coliltic. (La quilbeytic te yutsilale, ja' te yutsilal te jip jtul Snich'an te Jtatic Diose). Nojel te yutsil yo'tane soc te bila melele.

—Juan 1:1 y 14

Jesús la yalbey: —Felipe, bayalix c'aal te joinejexe. ¿Ma to bal x'ana'bon jba? Te mach'a yiljonixe, ja' yilojix uuc te Jtate. ¿Bistuc te jich la awale: “Ac'botic quiltic te Tatile”, te xaate? ¿Yu'un bal ma xc'ot ta awo'tan te jun ayon soc te Jtate? —xi'.

—Juan 14:9, 10a

Spisil in to c'ot ta pasel swenta yu'un jich me ya xc'ot te bila yaloj te Cajwaltic ta swenta te j'alwanej yu'une: “Ay me jtul tec'tojom ach'ix te ya yic' alale. Ya x'ayin squerem-al, Emanuel ya xc'ot te sbiile”, te xie. Te bit'il Emanuel xi' te sbiile, “Sjoinejotic te Diose”, xi' c'oem.

—Mateo 1:22, 23

Jamal chican te bit'il muc' sc'oplal ta c'axem to xan te bila muquen jch'uunejtique, jich te bit'il ay ta alele: “Dios la yich' sbaq'uetal, chicnaj ta balumilal. Ac'ot ta na'el te toj yo'tan yu'un te Espiritue. Ilot yu'un te ch'ul abatetique. La yich' cholel sc'oplal ta stojol te nacionetique. La yich' ch'uunel ta balumilal. Ic'ot moel ta utsilal”, te xie.

—1 Timoteo 3:16

—Te jo'one soc te Jtate jun nax ayon soc —xi'.

—Juan 10:30

TE NICH'ANIL YU'UN TE CAJWALTIQUE JA' JESUCRISTO

3

Spisil mach'a ya yal ta jamal te ja' Snich'an Dios te Jesuse, jich jc'axel ainemix ta yo'tan te Diose soc jc'axel ainemix ta yo'tan uuc. —1 Juan 4:15

Jich yu'un teme tsabilon yu'un Dios te la sticunon tel ta balumilale, ¿bistuc ya awalbonic te yacon ta stoybac'optayel Dios a te bit'il la cal te ja' Snich'anone? —Juan 10:36

Melel te Cristoe ts'acal yich'objbey stalel te Diose. —Colosenses 2:9

Melel ayinemix jtul alal cu'untic, Dios la yac'botic jtul nich'anil, ja' te ac'bil yu'el ta mandalteswanej. Ja' me sbiilic ya xc'ot: “Jchajp nax Jtojteswanej”, “Dios te bayal yip”, “Tatil sbajt'el q'uinal”, soc “Ajwalil yu'un lamal q'uinal”. —Isaías 9:6

Jich la yal te ch'ul abate: —Ya xjul ta awenta te Ch'ul Espiritue. Ya me yaxintesat ta yu'el te Ch'ul Dios te mero toyol aye. Jich te ch'ul alal ya x'ayin awu'une, Snich'an Dios ya xc'ot te sbiile —xi'. —Lucas 1:35

Te c'alal yac to ta c'op a te Pedroe, ora potsotic yu'un tocal te xlemet nax xojobile. Ay mach'a c'opoj tel ta yolil te tocale: —Ja' in to ja' te Jnich'an te bayal c'ux ta co'tane. Bin nax co'tan yu'un. Aiybeya awaiyic stojol sc'op stuquiel —xi'. —Mateo 17:5

4 TE JESUSE YA YALBOTIC TE MACH'A A'

La yal te Jesuse: —Te ja'exe li' ayex to ta alan. Yan te jo'one, talemon ta cajal jtuquel. Te ja'exe ayex ta swenta in balumilal to. Yan te jo'one, ma swentaucon in balumilal to —xi'. La yal te Jesuse: —Jamal ya calbeyex, te c'alal ma to xchicnaj a te Abrahame, jtalel nanix ayo n jtuquel a —xi'. —Juan 8:23 y 58

—Te bit'il "Maestro" soc "Cajwal", ya awutonic, melel xawalic, yu'unix jo'on a —xi' te Jesuse. —Juan 13:13

Te Jesús la yalbey: —Jo'on cha'cuxelon soc jo'on cuxlejalon. Ja' te mach'a ya xch'uunone, teme ya xlaje, ya me xcha'cux tel —xi'. —Juan 11:25

Jesús jich la yalbey: —Jo'on wajon yu'un te cuxlejale. Te mach'a ya xtal ta jtojole xujt' ma xwi'naj yo'tan; soc te mach'a ya xch'uunone, xujt' ma xtaquej yo'tan —xi'. —Juan 6:35

—Te bit'il ayon to ta balumilale, sacuben q'uinal cu'un ta stojolic te mach'atic ayic ta balumilale —xi' te Jesuse. —Juan 9:5

Jich yu'un te Jesús la xcha'yalbey yaiyic xan: —Jamal ya calbeyex, jo'on ti'corralon yu'un te chijetique —xi'. —Juan 10:7

Jesús la yalbey: —Jo'on te beone, te smelelilone, soc te cuxlejalone. Jtul ma'yuc mach'a ya xtal ta stojol Jtat, jo'on nax ta jwenta —xi'. —Juan 14:6

CHA OX JCHAJP AT'ELETIC TE 5 LA SPAS DE CAJWALTIQUE

Soc la yalbey mandal te ants-winiquetic te ya snajc'an sbaic ta aquiltique. La stsac te jo'pejch'waje soc te cha'cojt' chaye. La stoy moel sit ta ch'ulchan, la yalbey wocol Dios yu'un, soc la xef'. La yac'bey ta sc'ab te jnopojeletic yu'une, ja'ic la spucbeyic ta stojolic te ants-winiquetique. Spisilic we'ic ja' to chican noj te xch'ujt'ique. Patil la stsobic te sobraile. Noj lajchayeb moch te sobraile. Te jich yipal te mach'atic we'ique, ay niwan jo'mil (5,000) ta jtul te winiquetique. Ma la yich' ajtayel te antsetic soc te alaletique. —Mateo 14:19-21

Ay cheb ma'sitetic nacalic tey a ta bay te ti'bee. C'alal la yaiyic stojol te yaquix ta c'axel bael tey a te Jesuse, jajch' yawtayic: —¡Cajwal, te sts'umbalat Davide, c'uxtayawotic! —xiic. La sjojc'obey yaiy: —¡Yu'un bal ay bila ya ac'an ya jpasbeyex? —xi' te Jesuse. La yalic: —Cajwal, ya jc'an ya ajambon jsit jo'otic —xiic. Te Jesús la sna'bey yo'bolil sbaic. La spicbey te sitique. Ora jam te sitique. Jich la sts'aclinic bael te Jesuse. —Mateo 20:30 y 32b-34

C'alal laj yo'tan ta c'op, jich la yalbey te Simone: —Conic soc abarco ta bay najt' te ja'e. Tey me ya awac' ochel a te stsacjibal-achayique —xi'. La yal te Simone: —Maestro, ma niwan, yu'un at'ejotiquix sjunal ajc'ubal. Ni cojt'uc chay la jtsactic. Yan te bit'il ja'at la awalixe, ya me cac' ochel jiche —xi'. Te c'alal la yaquic ochele, bayal chay la stsaquic. C'an tuch'uc yu'un te stsacjibal-xchayique. —Lucas 5:4-6

6 SPISIL JA'PASBIL YA'UN SOC JA'AWALIL CU'UNTIQUE TE JESUCRISTOE

Ja' ta swenta Cristo te la xchicnantes spisil a te Diose, te bitic ay ta ch'ulchane soc te bitic ay ta balumilale, te bila chican ta ilele soc te bila ma chicanuc ta ilele, jich bit'il te jmandalteswanejetic, soc ajwaliletic, soc te mach'atic tulán yat'el yich'ojjique, soc spisil te mach'atic ay yu'elique. Spisil la yich' chicanatesel ta swenta te Cristoe, soc spisil ay ta swenta stuquel. —Colosenses 1:16

Ja' ta swenta stuquel te bit'il chicanaj spisil te bitic aye; xujt' ma'yuc te ma ja'uc pasbil ta swentae.
—Juan 1:3

Puersa ya sc'otes ta pasel te bila yaloj te Diose, ja' te Mach'a la yiq'uex ta swenta te Snich'ane, ja' te Cajwaltic Jesucristoe. —1 Corintios 1:9

Ta namey q'uinal Dios la sc'opon te namey q'uinal jme'-jtatic ta swenta te j'alwanejetic yu'une. Ma junuc nax buelta te la sc'opone, soc yanyan te bit'il la sc'opone. Yan ta ora to te slajibal c'aal ayotique, la sc'oponotiquix ta swenta te Snich'ane. Dios la spas ch'ulchan balumilal ta swenta te Snich'ane, soc ja' yac'objey yu'unin spisil te bitic aye. —Hebrews 1:1, 2

—Jich yu'un te ja'exe soc spisil t e jlumaltic israeletique, na'aic me stojol ta melez ta apisilic te ja' ya calbeyex sc'oplal te Jesuse. Te ja'exe, la amilic ta cruz. Yan te Diose, la yaq'uix ta ilel te ja' Cajwaltic soc ja' te Cristoe —xi' te Pedroe. —Hechos 2:36

Melez te Cristoe laj, soc cha'cux tel, swenta yu'un ja' Ajwalil ya xc'ot yu'un te mach'atic lajemique soc te mach'atic cuxulique. —Romanos 14:9

JA' CHAJP'ANWANE CU'UNTIK 7 DE JESUCRISTOE

La yal te Jesuse: “Te c'alal ya xtal soc yutsilal te Nich'anile, ya me sjoin tel te ch'ul abatetique. Ya xjul snajc'an sba ta bay yutsilal te smuc'ul nactijibe. Spisil ta jchajp nacionetic ya me yich'ic tsobel tel ta stojol. Cha'q'uejp ya sloq'ues a jich bit'il te jcananchije te jq'uejp ya yac' te chijetique soc jq'uejp ya yac' te tentsunetique.”
—Mateo 25:31, 32

—Soc la spasotic ta mandal te ya calbeytic sc'oplal ta stojol te lume, soc te ya cac' jbatic ta testigo te bit'il Dios la yac'beyix yat'el ta juez ta stojol te mach'atic cuxulique soc te mach'atic lajemique
—xi' te Pedroe. —Hechos 10:42

—Te Jtatic Diose, ma ja'uc ya yaiy chajbanwanej. Ja' yac'objeyix ta swenta te Nich'anile —xi' te Jesuse.
—Juan 5:22

Ya jpasat ta mandal ta stojol te Diose soc ta stojol te Cajwaltic Jesucristoe, te ya xtal ta muc' ajwalile soc te ya yilbey bi yilel yat'el spisil te mach'atic cuxulique soc te mach'atic lajemique. —2 Timoteo 4:1

Jich yu'un te ja'ate, ¿Bi yu'un te ya alebey smul te awermanoe? Soc te ja'ate, ¿Bi yu'un te ya ap'aj te awermanoe? Melel ta jpisiltic ya me xc'o jtejc'an jbajtic ta muc'ul chajbajibal yu'un te Cristoe.

—Romanos 14:10

8 JA NA'AX JESUCRISTOE YA XU'SMAN JCOLELTIC

Ja' la yac' sba ta lajel ta jwentatic stuquel. Jich la scoltayotic loq'uel ta bay te bila amen jpasojtique, soc jich la yutstesbotic co'tantic swenta yu'un lumotic yu'un ya xc'ot te toyol co'tantic ta spasel spisil te bila lec ta pasele. —Tito 2:14

—Ja'swentail te la calbeyex te acuchoj amul ya xljaxe. Teme ma x'ac'an ach'uunic te jtalel ayone, acuchoj amulic ya xljaxe —xi'. —Juan 8:24

Ja'uc me to, te Cristoe la yac'otic ta libre te bit'il ayotic ta ch'ayel yu'un te mandalile. Ja' la jelolintic ta ch'ayel. Melel jich ts'ibubil ta Sjun te Diose: "Ch'ayel bajt'ix te mach'a a te ya yich' jojc'anel ta te'", te xie. —Gálatas 3:13

Jich mero lequil Jcoltaywanej c'ot, te sbajt'el q'uinal ay jcoleltic yu'un te jayebotic ya jch'uunbeytic te smandale. —Hebreos 5:9

Jich ya xju' ya scoltay sbajt'el q'uinal te mach'atic ya xnoptsajic ta stojol Dios ta swentae, melel ya xju' ya xc'opoj yu'unic spisil ora stuquel te bit'il cuxul ay sbajt'el q'uinal. —Hebreos 7:25

—Ma'yuc yan te mach'a ay colel ta swenta, melel ma'yuc yan ta spamal balumilal te yac'ojbotic sbiil te Diose te ya xju' ya xcolotic ta swentae —xi' te Pedroe. —Hechos 4:12

JA NA'AX JESUCRISTOE YA 9 XU'SMAN JCOLELTIC

—Melel te Nich'anile tal sle soc tal scoltay te mach'atic ch'ayeme —xi' te Jesuse. —Lucas 19:10

La sc'ajintayic jcum yach'il c'ayoj: “Ay ta awenta atuquel te ya xju' awu'un stsaquel te balbil june soc sjamel te selloetique. Yu'un la awich' milel, soc ta swenta ach'ich'el la amanbeyix yu'unin Dios tsobol ta jchajp sts'umbal ants-winiquetic te yanyantic sc'opique soc te yanyantic slumalique soc te yanyantic nacionetic ta balumilale.” —Apocalipsis 5:9

Soc sbujts' awo'tanic ya me awalbeyic wocol ta stojol te Jtatic Diose. Ja' la xchapanotic swenta yu'un ya quich'tic te bila ya yac'botic te jayebotic te ch'ul lumotic yu'un Dios te ayotic ta bay te saquil q'uinale. Melel ta swenta yu'el Dios la scoltayotiquix loq'uel ta bay ainotic ta ijc' q'uinale, soc tey la yac'otiquix c'axel ta banti ay ta ajwalinel te Snich'an te bayal c'ux ta yo'tane. Ja' ta swenta xch'ich'el te la sman jcoleltique, jich la spasbotic perdón yu'un te jmultique. —Colosenses 1:12-14

Jesús la yalbey: —Jo'on te beone, te smelelilone, soc te cuxlejalone. Jtul ma'yuc mach'a ya xtal ta stojol Jtat, jo'on nax ta jwenta —xi'. —Juan 14:6

Yan te ja'exe, Dios la yaqu'uex ta jun nax soc te Cristoe, ja' jpijiltic yac'ojbotic te Diose. Ja' la yac'otic ta libre yu'un jmultic, soc ja' ch'ultesbilotic yu'un, soc manbil jcoleltic yu'un. —1 Corintios 1:30

10 LA SMSNBOTIQUIX JCOLELTIC TA SWENTA TE XCH'ICH'ELE

Yu'un Dios la scoltayex loq'uel tey a ta bay te bila la yac'beyex anopic spasel te me'il-tatiletic awu'unique. Soc ana'ojic stojol ta lec te ma ja'uc tojbil jcoleltic a te bila ya xlaje, jich bit'il te oroe soc te platae. Ja' tojbil acolelic a te xch'ul xch'ich'el te Cristoe te milbil smajt'an Dios c'ot, jich bit'il alal chij te ma'yuc bila boloben soc ts'ilajem ta sbaq'uetale.

-1 Pedro 1:18, 19

Jesús la yalbey: —Ja' jch'ich'el in to, ta swenta te yach'il trato te ya yich' malel swenta perdón yu'un smulic te tsobol ta jtule —xi'.

-Mateo 26:28

Yan teme ayotic ta bay te saquil q'uinale, jich bit'il ja' saquil q'uinale stuquiel te Diose, jich jun nax ayotic ta jpisiltic abi, soc jich ya spocbotic spisil jmultic ta xch'ich'el te Jesucristoe, ja' te Snich'an te Diose.

-1 Juan 1:7

La smanbotiquix jcoleltic ta swenta te xch'ich'ele. Jich la spasbotiquix perdón yu'un jmultic ta scaj te bayal yutsil yo'tan cu'untique.

-Efesios 1:7

Yan te xch'ich'el Cristo c'axem to xan ay yip stuquiel. Melel ta swenta Espíritu te sbajt'el q'uinale aye, ju' yu'un stuquiel te Cristo te la yac' sba ta lajel ta stojol Dios swenta milbil smajt'an te xujt' ma ba ts'ilajeme. Jich te xch'ich'ele jc'axel ya spocbotic co'tantic te ts'ilajemic yu'un cat'eltic te quechelotic ta lajel yu'une, swenta yu'un jich me ya cac' jbjatic ta abatinel yu'un te cuxul Diose.

-Hebreos 9:14

TE XCH'UUNJEL CO'TANTIQUE TA 11 STOJOL CRISTO YA YAC' JCOLELTIC

Melel ta swenta nax yutsil yo'tan Dios te colemex ta swenta xch'uunjel awo'tanic. Ma ja'uquex te la acoltay aba atuquelique, melel amajt'anic yu'un Dios te colemexe. Ma ta swentauc awat'elic, swenta yu'un ma ba ya atoyes q'uinal awaiyic yu'un.

-Efesios 2:8, 9

Melel ta swenta te Cristo Jesuse, jich ma'yuc sc'oplal teme quich'ohtic circuncisión o teme ma ba quich'ohtique. Te bila ay sc'oplale, ja' te ay xch'uunjel co'tantique. In te xch'uunjel co'tantique, ya yac' cuxinuotic soc xc'uxul co'tantic.

-Gálatas 5:6

La sjojc'obeyic te Jesuse: —¿Bit'il ya sc'an ya jc'ajtes jbjatic ta spasel yat'el te Diose? —xiic. Te Jesús jich la yalbey: —Ja' in to: Ja' yat'el Dios teme ya ach'uunonic te ticunbilon tel yu'une —xi'.

-Juan 6:28, 29

—Ch'uuna te Cajwaltic Jesucristoe. Jich me ya xcolat ja'at soc spisil te mach'a ay awu'un ta anae —xiic.

-Hechos 16:31b

Melel spisil mach'a ayinem ta swenta te Diose, ya stsal te balumilale. Ja' ya yayi tsalaw ta swenta te xch'uunjel yo'tane.

-1 Juan 5:4

Ta swenta te xch'uunjel co'tantique, libre co'oemotiquix yu'un te jmultique. Jich me junajemix co'tantic soc te Diose, ta swenta nax te Cajwaltic Jesucristoe.

-Romanos 5:1

Ja'nax la yich' sts'ibuyel sc'oplal in yipal señaetic to, swenta yu'un jich me ya xch'uun awo'tanic te ja' Cristo soc Snich'an Dios te Jesuse, swenta yu'un, teme ya xch'uun awo'tanique, jich me ya xcuxinex ta swenta te Jesuse.

-Juan 20:31

12 TE XC'UXUL YO'TAN TE CAJWALTIC

Yan te xc'uxul yo'tan Cajwaltic, sbajt'el q'uinal ay ta stojol te mach'atic ya yich'ic ta muq'ue; te stojil yo'tan ma'yuc slajibal ta stojol spisil ta cajalcaj te alnich'anetic. Melel te xc'uxul awo'tane c'axem to xan muc' yu'un a te ch'ulchane; te yutsil awo'tan staoj c'oel te ch'ulchane. -Salmos 103:17 y 108:4

Jich yu'un jun co'tantic ac'a noptsajucotic bael ta smuc'ul nactijib te Diose, te bayal yutsil yo'tan cu'untic stuquele, swenta yu'un jich me ya jtatic c'uxtayel yu'un. Melel ta swenta nax yutsil yo'tan ya scoltayotic teme ay bila ay jwocoltic yu'une.

-Hebreos 4:16

Ja' te xc'uxul yo'tan te Cajwaltique, ma'yuc slajibal stuquel, ma xch'ay te yutsil yo'tane. Ta jujun sab ya x'ach'ub; jmero ma xyanaj ta jyalel te xc'uxul yo'tane!

-Lamentaciones 3:22, 23

Ma'yuc yan Dios jich te bit'ilate, melel ya apasbey perdón yu'un te bila amen spasojiique, soc ya ach'aybey ta awo'tan stoybail te lum te jilem xan jtebuque. Te ja'at ya awac'botic quiltic te xc'uxul awo'tan; soc ma'yuc ta awo'tan sbajt'el q'uinal te awilimbae.

-Miqueas 7:18

Melel te jo'otique, ma ta swentauc cat'eltic te la scoltayotique; ta swenta nax xc'uxul yo'tan te la quich'tic atintesel yu'un, la yac' cha'ayinuotic xan, soc la yac'botic quich'tic yach'il cuxlejal ta swenta te Ch'ul Espiritue.

-Tito 3:5

TE CAJWALTIC YA YAC' OTIC 13 TA STOJOL

Te Cajwaltic ya yal: —Ja'ex te taquin awo'tanique, la'ic, la'uch'aic ja'; ja'ex te ma'yuc ataquinique, la'ic, leaic trigo ta majt'anil, soc we'anic; leaic vino soc leche, ni ma'yuc ta tojol —xi'. —Isaiás 55:1

Ja' bayal sc'oplal yu'unic te slajibal c'aal yu'un te q'uine. Jich ora te tejc'aj jajch'el te Jesuse. Tulan la yal: —Te mach'a ay ta taquinti'ile, ac'a taluc ta jtojol, ac'a yuch' te ja'e —xi'. —Juan 7:37

—La'ic me ta jtojol ta apisilic ja'ex te lubenex yu'un te tulán at'ele soc te ijc'atsile. Jo'on ya cac'beyex acux awo'tanic —xi' te Jesuse.

—Mateo 11:28

Te Ch'ul Espiritu soc te yinam te Alalchije ya yalic: “La' me”, xiic. Te mach'a ya yaivy stojol, jich ac'a yal uuc: “La' me”, xiuc me uuc. Te mach'a taquin yo'tane, ac'a taluc teme ya sc'an yo'tane. Smajt'an ya x'ac'bot yuch' te ja' te ya yac' cuxinele.

—Apocalipsis 22:17

C'alal la yil te Jesuse, ma lecuc la yaivy. Jich la yal: —Ac'a taluc ta jtojol te alaletique. Ma me x'acomic, melél te mach'a jich yo'tanic te bit'il in alaletic to, ja' me ya xju' ya yajwalinic te Diose. —xi'.

—Marcos 10:14

Te Cajwaltic la yal: —La'ic, ya jchaptic te aiyaje: Manchuc me jich amulic te bit'il mero tsaje, ya jc'atp'unbeyex ta sac, jichuc saquil toib; manchuc me jich te bit'il pac' ts'ajbil ta tsaj, sac ya xc'ot cu'un, jichuc saquil stsotsil chij —xi'. —Isaiás 1:18

14 MA SPISILUC JA' YAL XNICHAN CAJWALTIC

Chican ta ilel te mach'atic yal-snich'an te Diose, soc chican ta ilel te mach'atic yal-snich'an te pucuje. Melel te mach'a ma ja'uc yat'elinej spasel te bila leque soc te ma c'uxuc ya yaiy ta yo'tan te yermanoe, ma ja'uc yu'un Dios abi. -1 Juan 3:10

Jich ma x'ata amulic a, soc ma me ayuc bila quechel ta awentaic. Jich me lequil alnich'anex yu'un Dios ta yolil te ants-winiquetique te amen yo'tanique soc te ixta yo'tanique. Jich me xojobajemex ta yolilic te bit'il eq'uetic te ya xojobaj ta ijc' q'uinale. -Filipenses 2:15

Spisil mach'a ja' j'ic'wanej yu'unic te Espiritu yu'un te Diose, ja' alnich'anetic yu'un Dios abi. Melel te Espiritu te ac'botex awiq'uique, ma ja'uc ya yaq'uex xan ta mosoil yu'un te xiwele. Melel ja' ya yaq'uex ta alnich'an yu'un te Diose. Ja' swentail te jich ya caltique: "Jtat", te xootic ta stojole. -Romanos 8:14, 15

Ja' swentail te jich la yal xane: "Loc'anic me tel ta yolilic, parte me xawac' abaic, xi' te Cajwaltique. Ma me x'atsaquic te bila ilaybile. Jich me jun nax co'tan ya quiq'uex ta jtojol." -2 Corintios 6:17

Yan te mach'atic la yiq'uic ta stojolique, soc te la xch'uun yo'tanic ta swenta sbiil, la yac'bey tulan yat'elic te bit'il ochic ta yal-snich'anic te Diose.

-Juan 1:12

MA ME CUYTIQUE TE TIC'UC A' 15 TE BILA TOJ YA CALTIQUE

Jich la yal te Jesuse: —C'ux me x'awaiy te Cajwaltic Dios soc spisil awo'tan, soc spisil ach'ulel, soc spisil ap'ijil, te xie. Ja' in to, ja' sbabial mandalil te muc' sc'oplale —xi'.
-Mateo 22:37, 38

Te c'alal jajch' xan ta beel te Jesuse, tal ta animal jtul winic. Tal squejan sba ta stojol soc la sjojc'obey: —Maestro te lecat atuquele, ¿bila lec ya jpas swenta yu'un ya xcuxinon sbajt'el q'uinal? —xi'. Te Jesús la yalbey: —¿Bi yu'un ya awal te lecone? Ma'yuc mach'a lec, ja' nax lec stuquel te Diose. Awaiyoj stojol te bi ya yal te mandaliletique: “Ma me x'awaiy milaw, ma me x'awaiy mulwej, ma me x'awaiy elec', ma me xlewanat ta c'op, ma me x'awaiy lo'laywanej, soc ich'a ta muc' te ame'-atate”, te xie —xi' te Jesuse. La yal te winique: —Maestro, spisil cat'elinej spasel ta jqueremil to tel —xi'. Te Jesús la sc'abubey sit. C'ux la yaiy ta yo'tan, soc la yalbey: —Ay to yan xan te bila ya sc'an awu'une. Baan, chona spisil te bila ay awu'une, soc q'uebanbeya te me'baetique. Jich me ay ac'ulejal ta ch'ulchan ya xc'oat. La' me, joinawon —xi'. Te c'alal la yaiy stojol te winique, cham nax la yaiy yu'un, soc bayal la smel bael te yo'tane, yu'un bayal te sc'ulejale.
-Marcos 10:17-22

Ay beetic te toj ya yil te ants-winique; ja'uc me to, te slajibale ja' sbelal te lajele.
-Proverbios 16:25

Ja'uc me to, pasaic me te bila ya yal te sc'op Diöse.
 Ma me ja'uc nax te ya awaiyic stojole. Ma me
 xalo'lay abaic atuquelic a. -Santiago 1:22

¿Yu'un bal ma x'ana'ic stojol te mach'atic ma tojuc
 yo'tanic ma xju' ya yajwalinic te Diöse? Ma me
 slo'layex te awo'tanique, melel ma xju' ya xc'otic tey
 a te mach'atic ya xyalic ta mulile, te mach'atic ya
 xch'uunic loc'ombaetique, te mach'atic ya yaiyic
 mulweje, te mach'atic sc'atp'unej sbaic ta antse, te
 mach'atic sjoy sbaic ta winiquil te ay bi ya spasbey
 sbaic ta sbaq'uetalique, te j'eleq'uetique, te mach'atic
 biq'uit nax yo'tanic yu'un stsobel te sc'ulejale, te
 jyacubeletique, te j'ixta-c'opetique soc te mach'atic
 jlo'layej-taq'uinetique. Spisil in to, ma xju' ya xc'o
 ainuquic tey a ta banti ay ta ajwalinel te Diöse.

-1 Corintios 6:9, 10

Ma me xawac' abaic ta lo'layel yu'un lotil c'op te
 ma'yuc swentaile, Melel ja' ta swenta in muliletic to
 te ya x'ac'bot yich'ic tulan castigo yu'un Dios te
 mach'atic yal-snich'an te jch'ay-mandale. -Efesios 5:6

Cal-jnich'nab, ma me mach'a ya slo'layex. Spisil
 mach'a yat'elinej spasel te bila leque, chican te bit'il
 toj yo'tane, jich bit'il toj yo'tan stuquiel te Jesucristoe.
 Yan te mach'a yat'elinej sleel te smule, ja' yu'un te
 pucuje.

-1 Juan 3:7, 8a

Melel teme ay mach'a scuyojix sba ta muc' teme
 ma meleluque, jich slo'layej sba stuquiel a.

-Gálatas 6:3

Ma me xalo'lay abaic, melel te Diöse ma xju' ta
 labanel awu'unic. Melel spisil te bila ya yaw te
 ants-winique, ja' nix ya sc'aj ta patil. -Gálatas 6:7

TE BILA YA YAL CAJWALTIC 17

YU'UN TE YACUBEL

¡Ya me awil awocolic ja'ex te ma to sacub q'uinal a te ya xyacubexe, soc te q'uixnajemex yu'un te uch'balil c'alal ta stoyel ajc'ubal! -Isaías 5:11

Jamal chican ta ilel te yat'el te ch'ich'-baq'uate, ja'ic in to: mulwej, yalel ta mulil, te bila ilaybil sbae, xchijilil baq'uet, xch'uunel loc'omba, j'ac'chameletic, jcontroinwanejetic, jach-c'opetic, jpaichaletic, j'ilimbaetic, jtsactombaetic, jxatombaetic, jinwanejetic, jbic'tal-o'tanetic, jmilawaletic, jyacubeletic, jpas-q'uinetic, soc ay to xan yan te pajal soc te bila ya spasique. Ya jtac'uyex jich bit'il te la calbeyex ta neelale: Te mach'atic jich yat'elique, ma ba ya xc'o ainuquic tey a ta banti ay ta ajwalinel te Diose. -Gálatas 5:19-21

Toj me ac'a beenucotic te bit'il ayotic ta c'aaleltique. Ma me ja'uc nax ya xbajt' ta awo'tanic we'el, yacubel, chijil-o'tanil, antsiwej, jach-c'op soc jex-o'tantaywanej. Ac'a me jc'u'inbeytic yu'el te Cajwaltic Jesucristoe. Ma me xawac' abaic xan ta spasel te bila ya sc'an te abaq'uetalique. -Romanos 13:13, 14

Ja' yu'un te ja'ate, ma me x'awil bael te vino yu'un yacubele. Buen c'an xojan soc buen xlemet ta svasoil. Buen bujts'an ta uch'el yilel. Pero ta patil jich ya xc'ot te bit'il jti'awal chan, te buen c'ux ya xti'awane. -Proverbios 23:31, 32

Te vino yu'un yac'ubel, ya yac' jajch'uc c'op, te tulan uch'balil, ya yac' jajch'uc majtomba: te mach'a ya xbolob yu'une, ma'yuc sp'ijil yu'un te bila ya spase. -Proverbios 20:1

18 TE MULILE YA YAC'OTIC TA LAJEL

Teme ya x'ipaj te bic'tal-o'tanile, tey ya xchicnaj a te mulile. Soc teme la yich' yip te mulile, tey ya xchicnaj a te lajele. —Santiago 1:15

—Ja' nax te mach'a ya sle smule, ya me xlaj stuquel. Ma xju' teme ya stojbey smul stat te nich'anile, ni ja'uc te tatil ya xju'ya stojbey smul te nich'anile. Te mach'a stojil ya spase, ya me yich'smajt'an yu'un te stojil la spase; yan te mach'a amen te yat'ele, ja' me ya yich' castigo yu'un te smule —xi' te Cajwaltique. —Ezequiel 18:20

Ta swenta nax jtul winic te och mulil ta balumilale, soc ta swenta mulil te och lajele. Jich te lajele, c'ax ta stojol spasil te ants-winiquetic, meles spasil la sle smulic. —Romanos 5:12

Melel teme ja' nax ya xbajt' ta o'tanil te bila ya sc'an te baquete, ja' ya x'ac'awan ta lajel yu'un. Yan teme ya xbajt' ta o'tanil te bila ya sc'an te Espiritue, ja' ya yac' cuxinel soc lamal q'uinal. —Romanos 8:6

—“Ja'uc me to, snujp' te ya jpastic q'uine, yu'un ay sbujts' co'tantic. Melel te awijts'ine lajemix ja'uc me to, cha'cuxemix. Jc'axel ch'ayem ta jc'op, ja'uc me to, la jtaix”, xi' te state —xi' ta yalel te Jesuse. —Lucas 15:32

Melel te stojol te mulile, ja' te lajele.

—Romanos 6:23a

YA STSAL LAJEL TE JESUCRISTOE 19

Te c'alal la yal jich in to, tulan c'opoj: —¡Lázaro, la', loc'an tel! —la yut. Jich loc' tel te animae. Potsol loq'uel tel sc'ab yacan ta spojts'il, soc pixil loq'uel tel ta pac' te yelawe. Te Jesús la yal: —Polaic, ac'a bajt'uc —xi'.
—Juan 11:43, 44

Te Jesús la yalbey te animae: —Querem, ya calbat, jajch'an —la yut. Jich te animae la snajc'an sba, jajch' ta c'op.
—Lucas 7:14b, 15a

Melel te Cristoe, puersa me ya x'och ta ajwalinel, ja' to teme la xpech' ta teq'uel spisil te yajcontroe. Ta slajibal te jcontroinwaneje, ja' te lajele, ya me yich' jinel te yat'ele.
—1 Corintios 15:25, 26

—Jtalel cuxulon. Lajon, ja'uc me to, cuxulonix sbajt'el q'uinal. Jichuc. Quich'oj te sllaveil te lajele soc uuc te stsojbjibal animaetique —xi' te Diose.
—Apocalipsis 1:18

—Te Jtate c'uxon ta yo'tan yu'un te bit'il ya cac'jba ta lajel, swenta yu'un ya jcha'quich' xan jcuxlejal. Ma'yuc mach'a ya spojbon jcuxlejal. Jo'on ya cac'jba ta spasemal co'tan. Ya xju' cu'un ya cac' jcuxlejal, soc ya xju' cu'un ya jcha'quich' xan jcuxlejal. Jich spason ta mandal te Jtate —xi' te Jesuse.
—Juan 10:17, 18

Ja'uc me to, ac'ot ta ilel te ja' Snich'an Dios te yich'oj yu'ele, melel cha'cux tel ta bay animaetic ta swenta te Espiritue te ya xch'ulteswane.
—Romanos 1:4

20 TE MANTELILETIC YU'UN TE CAJWALTIQUE

“Ma me ayuc yan Dios awu'un, a te bit'elonej.

“Ma me xapas awajcananic. Ni ja'uc sloc'ombail te bitic ay ta yac'ol ch'ulchan, ni ta yetal baluminalal, ni ja'uc ta ye'tal j'aa ta balumilal. Ma me xa tinan abaj ta stojol ni ma me xach'uun.

Ma me xa tabey ta alel jbiil te Dios awu'une; melel te mach'a ya stojoltabon ta alel jbiil te Diosone ya me cac'bey castigo yu'un, canantayame te bin c'a'alil cux-o'tan te ch'ultesbile. Jich bit'il te Jehová te Dios awu'un te la spatat ta mandal. Waqueb c'aal ya x'at'ejat, te ya apas spisil te awat'el: ta sjuquebal c'aal ja cux-o'tan yu'un te Jehová te Dios; ma me ayuc at'el xapas te ja'al.

“Ich'a ta muc te tat soc a mej. Jich bit'il Jehová te Dios te la spatat ta mandal.

“Swenta yu'un ya xnatub a kuxlejal. Swenta yu'un lek ya xcuxinat ta bantij k'inal te Jehová te Dios la yac'bat.

“Ma me x'awaiy milaw; ma me x'awaiy mulwej; ma me x'awaiy elec'.

“Ma me x'ocht ta lotil testigo ta stojol apat-axujc'. Ma me xbic'taj awo'tan yu'un yinam apat-axujc'.

“Ni ja'uc sq'uinal.

“Ni ja'uc yabat. Ni ja'uc yantzil abat. Ni ja'uc swacax.

“Ni ja'uc sburro, ni ma me xbic'taj awo'tan yu'un spisil te bitic ay yu'un apat-axujc', xi' te Cajwaltique.”

-Deuteronomio 5:7-21

MA'YUC MACH'A YA XJU' SNAC' SBA 21 TA STOJOL TE CAJWALTIQUE

—Dios ya yil te banti ya xbeen te ants-winique, soc ya sna'bey spisil te bit'il ya xbeene. Ma'yuc ijc' q'uinal te mero ijc', te ya xju' ya xmacot yu'un te mach'a amen yat'ele —xi' te Eliú. —Job 34:21, 22

Te Cajwaltic sitinej spamal balumilal, yac ta yilel mach'atic lec yo'tanic soc mach'atic amen yo'tanic. —Proverbios 15:3

¿Banti ya xju' ya xboon to anel ta atojol teme ya xc'ubon baele? ¿Banti wan ya xboon ta anel te ma ba ya xju' ya awilonixe? Te yacuc xju' ya xmoon bael ta stoyolil ch'ulchan, tey ayat a; te yacuc xju' ya xcoon bael ta sc'ubulil lumq'uinal, ja' nix jich tey ayat a. Te yijc'al q'uinal, ma xju' ya snac'on ta asit, melez te ajc'ubale, buen sac q'uinal ya awil, pajal nix soc saquil q'uinal ta atojol. Te yijc'al q'uinal soc te saquil q'uinal, pajal nix ta atojol atuquel.

—Salmos 139: 7, 8 y 12

Melez te Diose, ma'yuc bila pasbil yu'un te ma chicanuc ta ilel ya yile. Spisil jamal ta ilel ya yil. Xujt' ma'yuc bila macal ta sit te Mach'a ya yich'botic ta wenta te cat'eltique. —Hebreos 4:13

—¿Mach'a ya xju' ya snac' sba ta jsit? Melez te jo'one ayon ta ch'ulchan soc ta balumilal. Jo'on Ajwalilon, jich ya cal —xi' te Cajwaltique.

—Jeremías 23:24

22 YA ME XC'AX SWOC'OLIC TA SBATEL CINAL TE CHACH'A CH'AYEMIC

—Jich yu'un teme ja' ya syalesat ta mulil te ac'abe, o ja' te awacane, boja loq'uel. Ch'oja bael, yu'un ja'lec te yacuc x'ochat ta cuxinel, manchuc me coxoat soc c'oje'ol-c'abat. Ja' wocol teme xchebal ac'ab soc xchebal awacan te ya xch'ojotat ochel ta c'ajc'te ma xtup' sbajt'el q'uinale —xi' te Jesuse. —Mateo 18:8

Te mach'atic amenic soc te ma'yuquic ta stojol Dios, ja'nix te mach'atic ya xch'ay ta yo'tanic te Diose, ya me xlajinot ta jc'axel yu'un yip te lajele.

—Salmos 9:17

—Te Nich'anile, ya me sticun te ch'ul abatetic yu'une. Ya xba stsobic loq'uel te mach'atic ya syaleswanic ta mulile soc te mach'atic ya spasic bayal ta jten muliletique. Ya me xch'ojic ochel ta bay yawil c'ajc' te yac ta tilele. Tey me ya xc'o yoqu'etay sbaic a, soc tey ya sjets'ulay yeic a —xi' te Jesuse.

—Mateo 13:41, 42

Soc la yich' ch'ojel ochel ta bay muc' pamal c'ajc' spisilic te mach'atic ma ba ts'ibubil sbiilic ta bay lista yu'un te cuxinele.

—Apocalipsis 20:15

—Jich me ya xbajt'ic ta castigo sbajt'el q'uinal. Yan te mach'atic lec yat'elique ya me xbajt'ic ta cuxinel sbajt'el q'uinal stuquelic —xi' te Jesuse.

—Mateo 25:46

Yan ta ora to, te ch'ulchan balumilal te chicane, quechelic ta lajel ta c'ajq'uel. Ya me xlaj ta c'ajq'uel te bi ora ya x'ich'otic ta c'op te mach'atic ma la xch'uunic te Diose, te jich ya x'ac'otic bael ta lajele.

—2 Pedro 3:7

YA STA YORAIL TE ICH'EL TA C'OP 23

Jich bit'il jun nax buelta te ya xljotique, soc patil ay ich'el ta c'op. —Hebreos 9:27

Melel jpisiltic ya me xc'o jtejc'an jbatc ta bay chajbajibal yu'un te Cristoe, swenta yu'un juju-jtul ya me yich' te bila ya xc'ot ta swentae, chican te bila spasoj te c'alal snainej to a te sbaq'uetale, chican teme leque o teme ma lecuque. —2 Corintios 5:10

Jich yu'un, juju-jtulotic ya me xc'o cac'tic ta stojol Dios te bila la jpastic ta q'uinale. —Romanos 14:12

Jich chican ta jamal te ya xju' yu'un te Cajwaltic te ya yac' ta libre yu'un sujel te mach'atic jun yo'tan yac'oj sbaic ta stojol. Soc ya to sq'uej te mach'atic ma tojuc yo'tanique, swenta yu'un ya yac'bey castigo c'alal ya sta sc'aalelal te ich'el ta c'ope. —2 Pedro 2:9

—Te Diose, chapalix yu'un jun c'aal te ya yich'ta c'op spisil ants-winiquetic ta balumilal, ta swenta te jtul Winic te tsabil yu'une, ja' chican te bi yilel te yat'elique. Spisilic ya me yac' xch'uunjel yo'tanic ta stojol te Mach'a cha'cux tel ta bay animaetique —xi' te Pabloe. —Hechos 17:31

Ta swenta te xc'uxul yo'tan te Diose, ya stojobtesotic swenta yu'un ja' smuc'ul co'tantic te c'alal ya sta sc'aalelal te ich'el ta c'ope. Jichuc me cat'eltic ta q'uinale te bi yilel yat'el te Jesucristoe. —1 Juan 4:17

24 TE YUTSIL YOT'AN TE JESUCRISTOE

Ja'uc me to, te bit'il la xc'axintay mandal te Adane, ma pajaluc soc te jmajt'antic ya yac' te Diose. Yu'un ta swenta jtul winic te la xc'axintay mandal te bayal lajic yu'une. Ja'uc me to, ta swenta te yutsil yo'tan Dios cu'untic, tsobolotic ay jmajt'antic ta swenta nax yutsil yo'tan te jtul winique, ja' te Jesucristoe. -Romanos 5:15

Melel ana'ojiqix te bit'il ay yutsil yo'tan te Cajwaltic Jesucristoe. Manchuc teme ay sc'ulejale, ta swenta xc'uxul yo'tan awu'unic te la sc'atp'un sba ta me'ba, swenta yu'un jich me ya yac'beyex ac'ulejalic ta swenta bit'il la yac' sba ta me'ba stuquel. -2 Corintios 8:9

Jich yu'un ma ja'uc chican te mach'a ya yal sbae, soc ma ja'uc chican teme at'ejeme. Ja' chican te bit'il ay yutsil yo'tan stuquel te Diose. -Romanos 9:16

“Dios scontroinej te mach'atic stoyoj sbaique. Yan te mach'a peq'uel yac'oj sbaique, ya xc'uxtay stuquel”, te xie. -1 Pedro 5:5b

Te jpuc-c'opetique ay bayal yipic ta yalel ta testigo te bit'il cha'cux tel te Cajwaltic Jesuse. Dios la yac'bey bendición ta c'axem to xan. -Hechos 4:33

Swenta yu'un lec ya yilotic te Diose ta swenta nax te yutsil yo'tane. Jich me ay ta jwentatic te ya quich'tic jcuxlejaltic sbajt'el q'uinal, jich bit'il te maliybil cu'untique. -Tito 3:7

—Jich yu'un sujt'esa awo'tanic ta stojol te Diose, soc ch'uunaic. Jich me ya stup'beyex te amulique. Jich me ya sta yorail te ya yac'beyex xan yip awo'tanic te Diose —xi' te Pedro. —Hechos 3:19

—Te Diose, ma'yuc bila la yal yu'un te jich yipal c'aal ayiquix tel te ants-winiquetic te bit'il ma la sna'ic stojole. Yan ta ora to, ya spasix ta mandal spisil ants-winiquetic ta bayuc te ya sujt'es yo'tanique —xi' te Pablo . —Hechos 17:30

Yu'un teme ya jmel co'tantic ta stojol te Diose, jich me ya yac' sujt'es co'tantic, soc tey me ya xcolotic a. Jich ma ba ya caiytic xan mel-o'tan ta patil. Yan teme ja' ya jmel co'tantic ta swenta nax te balumilale, ya yac'otic ta lajel stuquel.

—2 Corintios 7:10

“Ijq'uitayaic jilel ta jc'axel ta spisil te bitic amen ya apasic ta jtojole. Pasa ta yach'il awo'tanic, pasa ta yach'il acuxlejalic. ¿Bi yu'un ya xlajat, lum Israel?”

—Ezequiel 18:31

Tey jajch' yalbey ta stojol spisil te ants-winiquetic: —Sujt'esa awo'tanic ta stojol te Diose, yu'un nopol ya xjajch'ix te bit'il ay ta ajwalinel te Diose —xi' te Juane. —Mateo 3:2

—¡Ban c'an jichuc! Melel teme ma xasujt'es awo'tanic yu'un te amulique, jich me ya xljajex ta apisilic uuc —xi' te Jesuse. —Lucas 13:3

Te mach'a ya smuc smul, ma lecuc ya xc'ot yu'un; yan te mach'a ya yal ta jamal soc te ya yijq'uitay spasele, ya me sta perdón. —Proverbios 28:13

26 TE BIT'IL YA XCH'AY TE MUTILE

—Melel teme ya apasbeyic perdón te mach'a amen bila spasojbeyexe, ja' nanix jich te Jtatic te ay ta ch'ulchane, ya me spاسبeyex perdón uuc —xi' te Jesuse. —Mateo 6:14

Te mach'a amen yo'tane ya sc'an te ya yijq'uitay te sbee; te mach'a ay mulil ta yo'tan, ya me yijq'uitay te bitic sna'oje. Sujt'anic tel ta stojol te Cajwaltique, jich me ya sna'beyex yo'bolil abaic stuquel; sujt'anic tel ta stojol te Dios cu'untique, te ma p'isbiluc nax yutsil yo'tan ta spasel perdón. —Isaías 55:7

“Teme ya yijq'uitay jilel spisil te mulil yacal ta spasel te mach'a amen yo'tane, teme ja' ya xch'uun spasel ta spisil te bila ya yal te mandaliletic cu'une, teme ja' ya spas te bila yich'oj swentaile, soc te bila stojil ta pasele, ya me xcuxin ta mero melel, ma ba ya xlaj.” —Ezequiel 18:21

—Dios la yaq'uix ta ich'el ta muc' ta swa'el sc'ab yu'un la yaq'uix ta Ajwalil soc ta Coltaywanej, swenta yu'un ya me yac'bey sujt'es yo'tanic ta stojol Dios te israeletique. Jich me ya spاسبey perdón yu'un te smulique —xi' te Pedro. —Hechos 5:31

Soc la yalbon: —Aiya me awaiy stojol, teq'uelon ta c'op ta sti'ana. Teme ay mach'a ya yaiybon stojol te jc'ope soc teme ya sjambon te ti'naile, jich ya x'ochon ta sna soc ya me join ta we'el tey a —xi'. —Apocalipsis 3:20

C'alal la yil Jesús te bit'il ay xch'uunjel yo'tanique, jich la yalbey te chamele: —Jnich'an, pasbيلاتix perdón yu'un te amule —xi'. —Marcos 2:5

IJQ'UITAYAIC TA SPASEL TE BILA 27 MA LECUQUE

Ma me ja' uc c'ux ya awaiy ta awo'tanic te balumilale, ni te bitic swenta nax te balumilale. Teme ay mach'a c'ux ya yaiy ta yo'tan te balumilale, jich ma ba c'ux ya yaiy ta yo'tan te Jtatic Diose. Melel ta spasil te bitic ay ta balumilale, ja' te bitic ya sc'an te jbaq'uetaltique, soc te bila ya smulan yilel te jsitique, soc te toybail ta cuxinele, ma ja'uc yac'oj te Tatile. Spasil in to, ja' yac'oj te balumilale.

-1 Juan 2:15, 16

Ma me xajoin abaic soc ta spasel te bila ma'yuc swentail ya spasic te mach'atic ayic ta ijc' q'uinale. Alaic ta jamal te bit'il amen te bila ya spasique.

-Efesios 5:11

Melel la yaq'uix ta ilel te Diose te bit'il ay yutsil yo'tan cu'untic te bit'il ja' ta swenta te ayix colel yu'un ta stojol spasil te ants-winiquetique. Ayotic ta p'ijubtesel yu'un te bit'il ya sc'an ya xjil cu'untic spasil te bila amene soc spasil te bila mulanbil sba ta pasel ta balumilale. Soc ya sc'an te ma xjelawotique, ya sc'an toj ya cac'jbatic, ya sc'an te spasil ora ay ta co'tantic Dios te jayeb c'aal ayotic ta q'uinale.

-Tito 2:11, 12

jJmulawil ants-winic! ¿Yu'un bal ma x'ana'ic te mach'atic jun yo'tan sba soc te balumilale ja' scontroinejic te Diose? Mach'auc a te jun yo'tan sba soc te balumilale, yu'un nanix ja' spasoj ta contro a te Diose.

-Santiago 4:4

"Poca abaic, sapa abaic. Q'uejbonic bael ta jsit te amulique; ijq'uitayaic ta spasel te bila ma lecuque."

-Isaías 1:16

Jna'ojtic stojol te mach'a ayinemix ta swenta te Diose, ma ba ya sleulayix smul. Melel ja' canantaybil yu'un te Snich'an Diose. Jich ma xlo'layotix yu'un te pucuje. -1 Juan 5:18

“Ya me cac'beyex yach'il awo'tanic, ya me cac'beyex yach'il acuxlejalic. Ya me jloq'uesbeyex te awo'tanic te pajal soc tulanil ton, ya me cac'beyex awo'taninic c'unil-o'tanil.” -Ezequiel 36:26

Soc ch'ultesbilexix soc libre c'oemex yu'un amulic ta swenta sbiil te Cajwaltic Jesús soc te Espiritu yu'un te Diose. -1 Corintios 6:11b

Jich yu'un, te mach'a jun nax c'oemix soc te Cristoe, yach'il ants-winiquix. Jilemix spasil te spocol cuxlejale. Ta ora to, la yich'ix ach'ubtesel ta spasil. -2 Corintios 5:17

Melel cha'ayinemexix, ma ja'uc ta swenta bila ya xlaje, ja' ta swenta te sc'op Dios te cuxul soc te ma xlaj sbajt'el q'uinale. -1 Pedro 1:23

Te Jesús jich la yalbey: —Jamal ya calbat, ja' te mach'a ma xcha'ayin xan, ma xju' ya yil te bit'il ay ta ajwalinel te Diose —xi'. -Juan 3:3

La yalbotiquix ta testigo-c'op te Diose te ya yac'botic jcuxlejaltic sbajt'el q'uinale, te cuxlejale ja' ta swenta te Snich'ane. Te mach'a xch'uunej te Snich'an Diose, ay xcuxlejale; te mach'a ma ba xch'uunej te Snich'an Diose, ma'yuc xcuxlejale. La jts'ibubeyex in to, ja'ex te ach'uunejic te sbiil te Snich'an Diose. -1 Juan 5:11-13a

LAJEMOTIC TA MULIL CHA CUXOTIC 29 TA SWENTA CRISTO

Te mach'atic yu'unix te Cristoe, la yaq'uix ta lajel ta cruz te bila ya smulan spasel te sbaq'uetalique.

-Gálatas 5:24

Ja' la xcuchbotic jmultic ta cruz-te' ta sbaq'uetal stuquel te Cristoe. Yu'un jich ya xlj sc'oplal ta co'tantic a te mulile, soc jich me ya cat'elintic spasel te bila leque. Melel ja' colemex yu'un te bit'il laj ta ejch'entesele.

-1 Pedro 2:24

Jich te ja'exe, Dios la yac'beyex acuxlejalic te c'alal lajemex yu'un te la ac'axintayic mandal soc te la ale amulique. Jich la xcha'cuxesotic soc Cristo Jesús, soc ja' nanix jich la snajc'anotic soc Cristo Jesús ta bay ch'ulchan.

-Efesios 2:1 y 6

¡Ma jichuc! Melel lajemotiquix ta stojol te mulile, ¿bit'il c'an cac' jbatic xan ta swenta? Jich uuc te ja'exe, lajemuquex me ta swenta te mulile. Ja'uc me to, pajaluc me cuxulex soc te Diose, ta swenta te jun c'oemex soc te Cristo Jesuse.

-Romanos 6:2 y 11

Jich yu'un te bit'il cha'cuxemexix soc te Cristoe, ja' me ac'a bajt'uc ta awo'tanic sleel te bila swenta te ch'ulchane, ta banti ay te Cristo te nacal ta swa'el sc'ab Diose.

-Colosenses 3:1

Ta swenta te xch'uunjel co'tantique, libre c'oemotiquix yu'un te jmultique. Jich me junajemix co'tantic soc te Diose, ta swenta nax te Cajwaltic Jesucristoe.

-Romanos 5:1

30 TE CUXINEL SBAJT'EL Q'UINAL

Ja' ay xcuxlejalic sbajt'el q'uinal yu'un te ya sna'bat aba ja'at te jip jtul mero Diosate, soc te ya sna'beyic sba uuc te Jesucristo te la aticun tele.

—Juan 17:3

Melel te mach'a ya sts'un ta swenta baq'uet, ja' nix ya sc'aj ta swenta baq'uet te ya xlaje. Yan te mach'a ja' ya sts'un te bila swenta te Espiritue, ja' nix ya sc'aj ta swenta Espiritu te ay cuxlejal yu'un stuquele.

—Gálatas 6:8

Melel te stojol te mulile, ja' te lajele. Yan te majt'anil yu'un te Diose ja' te cuxlejal sbajt'el q'uinal ta swenta te jun c'oemotic soc Cristo Jesús te Cajwaltique.

—Romanos 6:23

—Soc jich te bit'il la sjijp'an jti'awal chan ta bay jochol taquin q'uinal te Moisesese, ja' nanix jich ya yich' jijp'anel uuc te Nich'anile, swenta yu'un spisil te mach'a ya xch'uune, ma xch'ay. Ya xcuxin sbajt'el q'uinal —xi' te Jesuse.

—Juan 3:14, 15

Te mach'a ya xch'uun te Nich'anile, ya me xcuxin sbajt'el q'uinal. Te mach'a ma sc'an xch'uun te Nich'anile, ma xyil te cuxinele. Ja' nax quechel yilimba Dios ta stojolic.

—Juan 3:36

—Jamal ya calbeyex, ja'te mach'a ya yaiybon stojol te jc'ope, soc teme ya xch'uun te mach'a la sticunon tele, ya me xcuxin sbajt'el q'uinal. Ma ba ya x'ac'ot ta castigo, jich ma'yuquix ta swenta lajel, ayix ta swenta cuxinel —xi' te Jesuse.

—Juan 5:24

SMUC'UL-O'TANIL TA SBAJT'EL 31

Q'UINAL

Cal-jnich'nab, ma me sbauc nax jti'tic ya jmulantic yalél te c'ux ya caiy jbajtique. Ac'a me chicnajuc ta cat'eltic te bit'il c'ux ya caiy jbajtic ta melele. Jich jna'ojtic stojol te wentainbilotic yu'un te smelelil c'o'pe, soc jich ma'yuc bi ya x'ayan co'tantic yu'un ta stojol te Diose.

-1 Juan 3:18, 19

—Te mach'a yich'ojbon te jmandale, soc teme ya xch'uune, ja' me te mach'a c'uxon ta yo'tane. Te mach'a c'ux ya yaiyon ta yo'tane, c'ux me ya x'aiyot yu'un uuc te Jtate. C'ux me ya caiy ta co'tan uuc, soc ya me cac' sna'bonic jba ta lec —xi' te Jesuse.

-Juan 14:21

Tey chican a te jc'axel ainemotic ta yo'tan te Diose soc te jc'axel ainem ta co'tantique, ja' te mach'a yac'ojbotic te Espíritu yu'une.

-1 Juan 4:13

Ja, nix te Espíritu te ya xc'opoj ta co'tantique, te ya yac' jna'tic te jo'otic yal-snich'anotic te Diose.

-Romanos 8:16

Te stojil chajbanele, ja' ya yac' lamal q'uinal, senel q'uinal soc smuc'ul-o'tanil ta sbajt'el q'uinal.

-Isaías 32:17

La yalbotiquix ta testigo-c'op te Diose te ya yac'botic jcuxlejaltic sbajt'el q'uinal, te cuxlejale ja' ta swenta te Snich'ane. Te mach'a xch'uunej te Snich'an Diose, ay xcuxlejale; te mach'a ma ba xch'uunej te Snich'an Diose, ma'yuc xcuxlejale.

-1 Juan 5:11, 12

32 C'ALAL NAIMEM TA CO'TANTIC DE CRISTOE AY BAYAL SBUJTS' CO'TANTIC

—Ta ora to ya xtalonix ta atojol. La calix jilel ta balumilal spisil in to, swenta yu'un ya me xbujts'naj yo'tanic ta jc'axel yu'un —xi' te Jesuse. —Juan 17:13

Jich pajal lajemon soc ta cruz te Cristoe, Cuxulon ts'iin, ja'uc me to, ma jo'oconix te cuxulone. Ja' cuxulix ta co'tan te Cristoe. In te bit'il cuxulon to ta q'uinal soc te jbaq'uetale, ja' cuxulon yu'un te xch'uunjel co'tan ta swenta te Snich'an Diose, ja' te mach'a c'ux la yaion ta yo'tan soc te la yac' sba ta lajel ta jwentae. —Gálatas 2:20

Melel te bit'il ay ta ajwalinel te Diose, ma ja'uc ta swenta jwe'el-cuch'eltic. Ja' nax ta swenta te bila toje, te lamal q'uinale soc te ay sbujts' co'tantic ta swenta te Ch'ul Spiritue. —Romanos 14:17

—Ja'uc me to, ya me quilbeyex xan asitic soc ya me xbujts'naj ta lec awo'tanic yu'un. Te sbujts' awo'tanique ma xju' ta pojel —xi' te Jesuse. —Juan 16:22b

Ja' nix jich te ja'exe ya xju' ya xba awuch'ic soc sbujts' awo'tanic te sloq'uibja' yu'un colele. —Isaías 12:3

Ya awac'bon quil sbelal te cuxlejale. Ay mero muc' yutsil q'uinal ya caiy, ay yutsil sbajt'el q'uinal ta atojol. —Salmos 16:11

—La calbeyex awaiyic in to, swenta yu'un ya me awich'bonic te sbujts' co'tane, jich me ts'acal ya ataic te sbujts' awo'tanique —xi' te Jesuse. —Juan 15:11

TE JNOPOJELE JA' ME YA SC'AN TE 33 AY XC'UXUL YO'TAN

“La yalbey xan ta xchebal buelta: —Simón, te snich'anat Jonase, ¿c'uxon bal ta awo'tan? —xi'. La yal te Simón Pedro: —C'ux, Cajwal.” Ana'oj stojol te c'uxat ta co'tane —xi'. Jesús la yalbey: —Canantaybon jiche te chijetic cu'une —xi'.

—Juan 21:16

Te jo'otique jna'ojtic stojol te jilemix cu'untic ta bay te lajele, ayotiquix ta swenta cuxinel. Ja' swentail te c'ux ya caiytic ta co'tantic te quermanotactique. Te mach'a ma c'uxuc ya ya iy ta yo'tan te yermanoe, yu'un nanix jc'axel ay to ta swenta lajel a... Teme ay mach'a ya yal: “C'ux ya caiy ta co'tan te Diose”, teme xie, teme yilayej te yermanoe, yu'un nanix jpas-lot abi. Te mach'a ma c'uxuc ya ya iy ta yo'tan te yermano te ya yilbey site, ¿ja'uc to bal c'ux ya ya iy ta yo'tan te Diose te ma xyilbey sit stuquale?

—1 Juan 3:14 y 4:20

—Teme c'ux ya awaiy abaique, tey me ya sna'ic stojol spisil te mach'atic ayic ta balumulal te bit'il jnopojelex cu'un ta melele —xi' te Jesuse.

—Juan 13:35

Yan te sit stuquel te Espiritue, ja' te xc'uxul-o'tanil, sbujts'-o'tanil, lamal q'uinal, sts'iquel, yutsil-o'tanil, lequil-o'tanil, xch'uunjel-o'tanil, manso-o'tanil, nujul-o'tanil.

—Gálatas 5:22, 23a

Manchuc teme bayal ta jchajp c'opiletic te ya xc'opojon ta sc'op ants-winiquetic o sc'op ch'ul abatetic, ja'uc me to, teme ma'yuc xc'uxul te co'tane, ja' jich c'oemon te bit'il xcananet nax campana soc te bit'il stsintson nax sc'op te platilloe.

—1 Corintios 13:1

34 YA SC'AN JAMAL YA CALTIC TE JCH'UUNEJTIC TE CRISTOE

—Spisil mach'a jamal ya yal ta stojol ants-winiquetic te bit'il xch'uunejone, jo'on uuc jamal me ya cal ta stojol te Jtat te ay ta ch'ulchane. Yan te mach'a ya smucon ta yo'tan ta stojol te ants-winiquetique, jich nix te jo'one ya jmuc ta co'tan ta stojol te Jtat te ay ta ch'ulchane —xi' te Jesuse. —Mateo 10:32, 33

Spisilic ya me yalic ta jamal te ja' Ajwalil stuquel te Jesucristoe. Jich me jelawen yutsil sc'oplal ya xc'ot te Jtatic Dios yu'une. —Filipenses 2:11

Ja' bi, teme jamal ya awalic ta aweic te ja' Cajwaltic te Jesuse, soc teme ya ach'uunic soc awo'tanic te bit'il Dios la xcha'cuxes tel ta bay animaetic te Jesuse, jich me ya xcolex. Melel ta co'tantic ya jch'uuntic swenta yu'un jich toj ya yilotic te Diose. Soc ta quejtic ya caltic ta jamal te jch'uunejtic te Jesucristoe, swenta yu'un jich me ya xcolotic yu'un. —Romanos 10:9, 10

—Teme ya xq'uexawex cu'un, soc ya xq'uexawex yu'un te jc'ope, te Nich'anile, ya me xq'uexaw awu'unic uuc te c'alal ya xtal soc yutsilal te State soc te ch'ul abatetique —xi' te Jesuse. —Lucas 9:26

Spisil mach'a ya yal ta jamal te ja' Snich'an Dios te Jesuse, jich jc'axel ainemix ta yo'tan te Diose soc jc'axel ainemix ta yo'tan uuc. —1 Juan 4:15

YA SC'AN TA SMELELIL JCH'UUNTIC TE CAJWALTIQUE

35

“Yan teme ma ba ya ach'uunbeyic smandal, teme ya ac'axintaybey smandal, ya me yac'beyex castigo te ja'exe, soc ya me yac'bey castigo te muc' ajwalil awu'unique. -1 Samuel 12:15

Yan te ja'ex, te awich'o'jic controinele, ya me yac'beyex awich'ic lewa yu'un awocolic, soc uuc te jo'otic, te bi ora ya xchicnaj tel ta ch'ulchan te Cajwaltic Jesuse. Joytaybil ta yat c'ajc' ya xtal soc te ch'ul abatetic yu'une te ay bayal yipique. Jich me ya xtal yac'bey castigo te mach'atic ma la sna'beyic sba te Diose soc te ma la sc'an xch'uunic te lec yach'il c'op yu'un te Cajwaltic Jesucristoe. Ya me xc'ax swocolic ta castigo ta ch'ayel sbajt'el q'uinal. Ya me yich'ic ch'ojel loq'uel ta stojol te Cajwaltique soc ta bay yutsilal yu'el te Cajwaltique.

-2 Tesalonicenses 1:7-9

“Yo'tic ay cheb bila ya cac'beyex atsaic: te bitic swenta bendición, soc te bitic swenta castigo. Te bitic swenta bendición, ja' teme ya ach'uunbeyic te mandaliletic yu'un te Cajwaltique, ja' te ya calbeyex ta ora in to. Te bitic swenta castigo, ja' teme ta scaj st'unel yantic diosetic te ma x'ana'beyic sbae, teme jich ya ac'axintaybeyic te mandaliletic yu'un te Cajwaltic te Dios cu'untique.

-Deuteronomio 11:26-28a

¿Yu'un bal ma ba ana'o'jic stojol teme spasemal awo'tan ya awac' abaic ta mosoile, puersa me ya ach'uunbeyic smandal te awajwale? -Romanos 6:16a

TE MUC'UL CONTROTIQUE JA' TE PUCUJE

Ich'a me ap'ijilic, wiq'uuluc me asitic. Melel te awajcontroe, ja' te pucuje, jich bit'il león-choj te yac ta aw ta sleel ta bayuc te mach'a ya sti'e. —1 Pedro 5:8

Lec ay, quermanotac, ich'aic me yip awo'tanic ta swenta te Cajwaltique. Yu'un ja' nax ta swenta yip yu'el te ya xju' cu'untique. C'u'inaic me spisil te amajq'uulic yu'un te Diose, swenta yu'un jich me ma jtebuc ataelic ta lo'layel yu'un sp'ijil te pucuje.

—Efesios 6:10, 11

Te Jesús ic'ot bael ta jochol taquin q'uinal yu'un te Espiritue, swenta yu'un ya x'ilbot yo'tan yu'un te pucuje.... Jesús la yalbey: —Baan, q'ueja aba, Satanás. Melel jich ts'ibubil ta Sjun Dios: “Ja' nax me x'awich' ta muc' te Cajwaltic te Diose, soc ja' nax me ya awac' aba ta abatinel ta stojol stuquel”, te xie —xi'. Jich te Jesuse, ijq'uitayot yu'un te pucuje. Ja' tal yac' sbaic ta abatinel yu'un te ch'ul abatetique.

—Mateo 4:1 y 10, 11

Swenta yu'un jich ma ba ya stsalotic tey a te Satanase, melel quilojtic te bayal smaña stuquele.

—2 Corintios 2:11

—Yu'un ya me xc'o ajambey sitic, swenta yu'un ya yijq'uitayic te ijc' q'uinale, jich me ya xbeenic ta saquil q'uinal. Soc swenta yu'un ma me ayuc xan ta sc'ab te Satanase, ja' me ya yac' sbaic ta sc'ab te Diose. Jich me ya xch'uunonic, soc ya me jpasbey perdón yu'un te smulique, soc ya me yac' ainuquic tey a ta banti ainemic te mach'atic ch'ultesbilibique —xi' ta yalbelon te Jesuse.

—Hechos 26:18

BIT'IL YA XU' TA STSALEL TE PUCUJE

37

Jich yu'un, ac'a abaic ta sc'ab te Diose. Pasaic ta contro te pucuje, jich me ya yijq'uitayat jilel. Noptsajanic ta stojol te Diose, jich me ya xnoptsaj ta atojolic uuc.
-Santiago 4:7, 8a

Te bit'il ch'ich'-baq'uet ayic te "alnich'anetic" te xie, jich nix ch'ich'-baq'uet c'ot uuc te Jesuse, swenta yu'un jich ju' yu'un tsalaw a te bit'il laje. Jich ju' yu'un te la slajinbey yip yu'el te lajele, ja' bi ja' te pucuje.
-Hebreos 2:14

¿Ay bal mach'a ya xju' yu'un ya sloq'uesotic ta bay xc'uxul yo'tan te Cristoe? ¿Ya bal xju' yu'un te uts'inele, te woclajele, te nutsele, te wi'nale, te t'analotique, o teme milel ta puñale?... Manchuc teme spisil ya jtatic ta q'uinal in to, jc'axel me ya caiytic tsalaw ta swenta te Mach'a bayal c'uxotic ta yo'tane.
-Romanos 8:35 y 37

Teme ya yich' loq'uesele, ya me xchicnaj te mach'a mero jmulawil winique. Te Cajwaltic Jesuse ta sjab nax ye ya smil. Tic' ya sjinbey yu'el a te bit'il ya xchicnaj tel soc yip yu'el te Cajwaltique. Te mero jmulawil winique, ya me x'at'ej ta swenta yu'el Satanás. Ya me xtal yac' ta ilel bayal yu'el soc señailetic soc jchajp at'eliletic ta swenta lo'layel.
-2 Tesalonicenses 2:8, 9

Yan te mach'a yat'elinej sleel te smule, ja' yu'un te pucuje. Melel te pucuje stalel yat'elinej sleel smul ta xjajch'ibal to tel. Melel ja' swentail te xtaluc ta balumilal te Snich'an Diose, yu'un tal slajinbey sc'oplal te bila yat'elinej spasel te pucuje. -1 Juan 3:8

38 TE BIT'IL CHA'CUX TE JESUCRISTOE

Te c'alal cha'cuxix tel Jesús ta sacubel q'uinal ta sbabial c'aal yu'un te semanae, ja' sbabial te la yac'sba ta ilel ta stojol te María Magdalena te loq'uesbil juqueb pucujetic ta yo'tan yu'une. —Marcos 16:9

—Jo'otic testigootic yu'un spisil te bila la spas Jesús ta bay sq'uinal te judioetique soc ta Jerusalén. Ja'uc me to, la smilic ta jijp'anel ta cruz-te'. Dios la xcha'cuxes ta yoxebal c'aal soc la yac'botic quiltic. Ma spisiluc te jlumal te ac'bot yilique, jo'on nax soc te jo'taque, te namey tsabilotic yu'un Dios te ja' testigo ya xc'ootic yu'une. La join jbatic soc ta we'el-uch'ajel te c'alal cha'cuxix tel ta bay te animaetique —xi' te Pedro. —Hechos 10:39-41

Ta swaxaquebal c'aal ta patil stsoboj sbaic yan buelta ta na te jnopojeletique. Tey sjoinejiquix a te Tomase. Macal ta lec yu'unic te ti'nailletique, ja'uc me to, teq'uel julel ta yolilic te Jesuse. Jich la yal: —Muc'ubenuc me q'uinal ya awaiyic —xi'. Soc la yalbey te Tomase: —La' me, ac'a tel te sbic'tal ac'abe. Ilbon awil te jc'abe. Soc ac'a tel ac'ab, ac'a ochel ta bay jmoch. Ma me chebuc awo'tan. Ch'uuna me —xi'. La yal te Tomase: —¡Cajwal cu'un! ¡Dios cu'un! —xi'.

—Juan 20:26-28

Yu'un jna'octic stojol te bit'il Dios la xcha'cuxes ta bay animaetic te Cajwaltic Jesuse. Ja' nanix jich ya xcha'cuxesotic tel soc te Jesuse, swenta yu'un jun nax ya yic'otic bael tey a te banti aye.

—2 Corintios 4:14

TE CHA'CUXESELE JA' SMUC'UL CO'TANTIC

39

—Te mach'a ya yaiy stojole, ya me xcuxinic yu'un. Ma me jchajbuc q'uinal ya awaiyic yu'un. Melel ya me sta yorail te mach'atic ayic ta muquenaletic ya me yaiybonic stojol te jc'ope, soc ya me xloq'uic tel ta smuquenalic. In te jayeb mach'atic lec te bila la spasique, ya xcha'cuxic soc ya xcuxinic sbajt'el q'uinal. Yan te mach'atic amen te bila la spasique, ya me xcha'cuxic yu'un ya yich'ic castigo —xi' te Jesuse.
—Juan 5:25b y 28, 29

¿Yu'un bal ma ba ana'ojic te bit'il jun nax c'oemotic ta stojol Cristo Jesús ta swenta te ich'ja'e? Melel jich c'oem te bit'il la jointic ta lajele. Melel te bit'il la quich'tic ja'e, tey la join jbatic ta muquel c'oem soc a. Jich nix te bit'il la yich' cha'cuxesel te Cristo ta bay te animaetic ta swenta yutsil yu'el te Jtatic Diöse, jich me ya quich'tic yach'il jcuxlejaltic uuc. Melel teme la jointic ta lajel c'oem te Cristoe, ja' nanix me jich jun ya xcha'cuxotic tel soc.
—Romanos 6:3-5

Ja' nix yorail a te Jesús caj xcholbey yaiyic te jnopojeletic yu'une te ya xbajt' ta Jerusalén, soc te tey ya xc'ax bayal swocol ta sc'abic te principaletique soc te jwolwanej-sacerdoteetique soc te jts'ibojometique. Soc la yal te bit'il ya x'ac'ot ta lajel, soc te ya yich' cha'cuxesel ta yoxebal c'aal.
—Mateo 16:21

Jich yu'un te bit'il cha'cuxemexix soc te Cristoe, ja' me ac'a bajt'uc ta awo'tanic sleel te bila swenta te ch'ulchane, ta banti ay te Cristo te nacal te swa'el sc'ab Diöse.
—Colosenses 3:1

40 CH'ULTESBILUQUEX ME TA STOJOL TE CAJWALTIQUE

Jich yu'un quermanotac, te c'uxex ta co'tane, te bit'il jich yalojbotic te Diose, jich yu'un ac'a quijq'uitaytic jilel spisil te bila ya sboltesbotic jbaq'uetaltic soc te co'tantique. Soc te bit'il jna'ojtic stojol te xi'bantic sba te Diose, yan yanuc me ta ch'ultesel te co'tantique. -2 Corintios 7:1

Jich yu'un teme ay mach'a la yutstes xan sba ta leque, t'ujbil me ya xc'ot. Jich yu'un ch'ultesbil me ya xc'ot yu'un te Cajwaltique, jich me chapal ya xc'ot yu'un spasel spisil te lequil at'elile. -2 Timoteo 2:21

Antaya me te bit'il lec ya xc'oat ta loq'uel te c'alal ya atejc'an aba ta stojol te Diose. Jich bit'il te mach'a lec ya x'at'ej te ma sta q'uexlal yu'un te yat'el soc te stojil ya yac' ta nopel te smelelil c'ope. -2 Timoteo 2:15

Tsabilex yu'un te Jtatic Diose, yu'un xjajch'ibal to jich xchapoq ta yo'tan, soc te ya xch'ultesbeyex awo'tanic ta swenta te Espiritue. Swenta yu'un jich me ya ach'uunic soc jich me ya awich'ic tsijts'anel ta xch'ich'el te Jesucristoe. C'axem to xan ac'a yac'beyex yutsil yo'tan soc lamaluc me q'uinal ya awaiyic yu'un. -1 Pedro 1:2

Melel ch'ul Dios stuquel te la yiq'uexe, jich yu'un, ch'ultesbiluquex me te jayeb c'aal cuxulex ta q'uinale. Yu'un jich ts'ibubil ta Sjun Dios: "Ch'ultesbiluquex me, jich bit'il ch'ul Dioson jtuquel", te xie. -1 Pedro 1:15, 16

Leaic me te lamaluc nax q'uinal awu'unic soc spisil te yantique. -Hebreos 12:14a

CH'ULTESBILUQUEX ME TA STOJOL 41 TE CAJWALTIQUE

Ja' swentail ta pat lum to c'ax swocol ta lajel te Jesuse, swenta yu'un jich me jc'axel ya yutstes ta swenta xch'ich'el stuquel te lum yu'une.

-Hebreos 13:12

Yan teme jamal ya caltic te jmultique, jna'octic stojol te jich ya spasbotic perdón te Diose, soc ya spocbotic loq'uel spisil ta jten te sbolil co'tantique. Yu'un toj yo'tan soc jun yo'tan stuquel te Diose. -1 Juan 1:9

Te bit'il la awaiyiquix stojol te jich ya xlaj spisil te bitic aye, jich yu'un ya sc'an te c'axem to xan lec ya x'ainex ta q'uinale soc te ya ach'uunic spisil ora te Diose. -2 Pedro 3:11

Yu'un tal scoltay ta libre te lum yu'une... te ya me scoltayotic loq'uel ta libre ta sc'ab te cajcontrotique. Jich me ma'yuc xiwel ya caiytic te ya cac'jbatic ta abatinel yu'une. Ch'ulajem co'tantic soc toj co'tantic ta stojol te jayeb c'aal cuxulotique.

-Lucas 1:68b y 74, 75

Soc ay me pamanbil be tey a, "Ch'ul be", xi' me te sbiile. Te mach'atic ma ba pocbil yo'tanique, ma xju' ya xc'axic tey a; te mach'atic bol yo'tanique, ma xbeenic tey a. -Isaías 35:8

Albeyaic yutsilal sbiil; quejana abaic ta stojol ta bay t'ujbil ch'ul templo yu'un. -Salmo 29:2

Yan ta ora to, colemex ta libre yu'un te mulile. Ja' ayexix ta abatinel yu'un te Diose. Ja' me sit ya ataic a te bit'il yanyanex ta lecubele, soc ta slajibal, ja' te cuxlejal sbajt'el q'uinale. -Romanos 6:22

42 CH'UNJELETIC TE NOJEM TA YO'TANIC TE CH'UL ESPIRITUE

—Ja'uc me to, te ja'exe ya me awich' awu'elic te c'alal ya xjul ta awentaic te Ch'ul Espiritue —xi' te Jesuse. —Hechos 1:8a

Yan te jnopojeletique, bayal sbujts' yo'tanic yu'un te xch'uunejiquixe soc nojel ta yo'tanic te Ch'ul Espiritue. —Hechos 13:52

—Ya me cac'beyex ta awo'tanic te Espiritu cu'une, ya me cac' te ya apasic te bila ya yal spisil te mandaliletic cu'une —xi' te Cajwaltic. —Ezequiel 36:27

—Melel te ja'exe, manchuc teme amen te awo'tanique, ya nax ana'ic yaq'uel te bila lec ta stojol te awal-anich'anique. ¿Ja'uc to bal a te Jtatic te ay ta ch'ulchane? Ya me yac'bey te Ch'ul Espiritu te mach'a ya sc'anbeye —xi' te Jesuse. —Lucas 11:13

Te c'alal laj yo'tanic ta sc'oponel te Diose, nijc' la yaiyic te banti na stsoboj sbaique, soc noj ta yo'tanic ta spisilic te Ch'ul Espiritue. Jich ma ba xiwic ta yalel te sc'op Diose. —Hechos 4:31

Ja'uc me to, te ja'exe, ma me ja'uc cuxulex xan ta swenta te abaq'uetalique. Ja'uc me cuxulex ta swenta te Espiritue, nainemuc ta awo'tanic te Espiritu yu'un te Diose. Yan teme ma nainemuc ta awo'tanic te Espiritu yu'un te Cristoe, ma yu'unuquex Cristo abi. —Romanos 8:9

JELAWEN YUTSIL TE BILA YAJOL 43 CAJWALTIC TAJ STOJOL TE CH'UNJELETIQUE

Quermanotac te c'uxex ta co'tane, ma me x'ayan awo'tanic teme ay awocolic yu'un te yiljibal awo'tanic te bayal xc'uxul jich bit'il c'ajc' te ya xc'ot ta awentaique. Ma me xacuyic te ma'yuc bay jich ya xc'ot ta stojol te yantique. Jich yu'un bayaluc me sbujts' awo'tanic yu'un uuc te bit'il ayex ta woclajele, jich bit'il woclaj stuquel te Cristoe. Jich me c'axem to xan ya xbujts'naj awo'tanic yu'un te c'alal ya xchicnaj tel soc yutsilal ya awilique.

-1 Pedro 4:12, 13

Ja' me ac'a smuc'ulin awo'tan te Cajwaltic, ja' me xapas te bila leque; ainan ta q'uinal soc junuc me awo'tan ta stojol.

-Salmos 37:3

Te Cajwaltic nopol ay ta scoltayel te mach'atic lajemiquix ya yaiyic, te ma'yuquix bi ya smaliyique.

-Salmos 34:18

“Soc ya me scusbot ya'lel sitic yu'un te Diose. Soc ma'yuquix te lajele soc te oq'uele soc te mel-o'tane soc te bila ay xc'uxule. Yu'un te bila ay ta neelale, ch'ayix bael ta spisil,” xi' la caiy.

-Apocalipsis 21:4

Te Jesús la yalbey: —¿Bi yu'un ma xju' cu'un ta ac'op? Spisil ya xju' ta pasel te mach'a jich xch'uunej te yo'tane —xi'.

-Marcos 9:23

Teme ya sts'ijc' awu'un te tojobtese,le, yu'un nanix ja' yal-snich'anat Dios abi.

-Hebreos 12:7a

44 JELAWEN YUTSIL TE BILA YOLOJ CAJWALTIC TE YA YAC'BOTIC TE C'ALAL OYOTIC TA IL-O'TANTAYEL

Te yiljibal awo'tanic te ya xtal ta atojolique, pajal ay ta atojolic soc te yantic ta bayuc. Ja'uc me to, jun yo'tan ta jtojoltic te Diose. Jich ma xyac' jelawuc xan yip ta atojolic te yiljibal awo'tanique, ma xyac' jelawuc a te bit'il ya xcujch' awu'unique. Yu'un te c'alal ya xtal te yiljibal awo'tanique, ya me slebeyex uuc te bit'il ya xju'ya xcolex loq'uele, swenta yu'un jich me ya xcujch' awu'unic. -1 Corintios 10:13

Te mach'a toj yo'tan, ay swocol yu'un te bitic amene; ja'uc me to, te Cajwaltic ya scoltay loq'uel ta spisil. -Salmos 34:19

Te Dios yu'un lamal q'uinal, nopolix te ya yac'beyex apech'ic ta teq'uel te Satanase. Te yutsil yo'tan cu'untic te Cajwaltic Jesucristoe, ac'a me sjoinex ta apsilic. -Romanos 16:20

In te bit'il c'ax swocol yu'un ta ilel yo'tane, ta ora to ya xju' yu'un ya scoltay te mach'atic ayic ta ilel yo'tanique. -Hebreos 2:18

Jna'ojtic stojol te mach'atic c'ux ta yo'tanic te Diose, ya x'ac'botic yu'un spisil bila leque, ja'ic me te mach'atic ic'bilic yu'un Dios te bit'il jich la sc'an yo'tan stuquele. -Romanos 8:28

Teme ay ya xc'axat ta mar, tey me ayon ta atojol; teme ay ya at'un c'axel muc'ja', ma ba ya ajic'an. Teme ay ya xc'axat ta c'ajc', ma ba ya xc'ajc'at; ma ba ya xchic'at te c'ajq'ue. -Isaiás 43:2

JELAWEN YUTSIL TE BILA YOLOJ 45 CAJWALTIC TE YA YAC'BOTIC TE C'ALAL YA C'AAYTIC TSALawe

—Te mach'a ya xju' yu'un tsalawe, ya me cac'bey yu'unin spisil in to. Ja' Dios ya xc'oon yu'un, soc ja' jnich'an ya xc'ot stuquel —la yuton. —Apocalipsis 21:7

—Te mach'atic ya xju' yu'unic tsalawe soc te ya yat'elinic spasel ja' to c'alal ta slajibal c'aal te bila ya sc'an co'tane, ya me cac'bey yich' yat'elic ta stojol te nacionetique —xi'. —Apocalipsis 2:26

—Te mach'atic ya xju' yu'unic tsalawe, ya me x'ac'bot slapic saquil sc'u'spaquic, soc ma ba ya jtpub'ebey sbiilic ta bay te Libro swenta Cuxinele. Soc ya me calbey ta jamal sbiilic ta stojol te Jtate soc ta stojol uuc te ch'ul abatetic yu'une —xi'.

—Apocalipsis 3:5

—Te mach'atic ya xju' yu'unic tsalawe, ja' me yoyalic ya xc'ot cu'un ta templo yu'un te Dios cu'une. Xujt' ma xloquic sbajt'el quinal tey a. Soc ya me jts'ibubey ta bay spatice te sbiil te Dios cu'une soc te sbiil te muc'ul lum yu'un te Dios cu'une, ja' te Yach'il Jerusalén te ya xcoj tel ta ch'ulchan ta bay stojol te Dios cu'une. Soc ya me jts'ibubey ta bay spatice uuc te yach'il jbiile —xi'. —Apocalipsis 3:12

—Te mach'a ay xchiquine, ac'a me yaiy stojol te bila ya yal te Espiritu ta stojol te jch'uunjeletique. Te jayeb mach'a ya xju' yu'un tsalawe, ya me cac'bey slo' te sit te' swenta cuxinel sbajt'el quinal, te ay ta bay yolil te yawal-sts'unub te Diose —xi'.

—Apocalipsis 2:7

46 DIOS YA YALBOTIC SC'OPLAL C'A'AYTIC SWENTA TE MACH'A YIC'ITAY SBAIC

—Ja'uc me to, jo'on ya calbeyex: Teme ay mach'a ya yijq'uitay sba soc te yiname, teme ma ta scajuc yajmule, ya me yac' ta mulwej abi. Teme ay mach'a ya yic' yinamin te ants te ijq'uitaybilix yu'un te smamlale, mulwej ya xc'ot soc abi —xi'. —Mateo 5:32

—Teme ay mach'a ya yijq'uitay sba soc te yiname, teme yan ants ya yinamine, ayix ta mulwej abi. Ja' nanix jich te ants te ijq'uitayote, teme ya xnujbin soc yan winique, ayix ta mulwej uuc —xi'. —Lucas 16:18

Te mach'atic nujbinemique, ya jpas ta mandal, ja'uc me to, ma jo'ocon jmandal, ja' smandal te Cajwaltique: Te antse ma me xyijq'uitay te smamlale. Melel teme ya yijq'uitay smamlal te antse, jich me teq'uel ac'a ainuc, o ya xjunaj yo'tan yan buelta soc te smamlale. Ja' nanix jich uuc te winique, ma me xyijq'uitay sba soc te yiname. Te ants te nujbineme, jun c'oem soc smamlal te jayeb c'aal cuxul te winique. Yan teme laj te smamlale, libre c'otix te ants te ya xnujbin soc yan. Chican te mach'a ya sc'ane, ja' nax teme ja' ta swenta te Cajwaltique. —1 Corintios 7:10, 11 y 39

Jich bit'il te ants te nujbinemixe, ay ta swenta te mandalil te jayeb c'aal cuxul ta q'uinal soc te smamlale. Ja'uc me to, teme ya xlaj te smamlale, jich colix ta libre yu'un a te mandalile. Yan teme cuxul to smamlal a te ya yic' sba soc te yan winique, ayix ta mulwej abi. Ja'uc me to, teme laj te smamlale, jich jilix ta libre yu'un a te mandalile. Jich ma'yuc ta mulwej teme ya xnujbin soc te yan winique. —Romanos 7:2, 3

YA XCH'A SUT' EL TA BALUMILAL TE JESUCRISTOE

47

—Teme ya xq'uexawex cu'une soc teme ya xq'uexawex yu'un te jc'op ta stojol te mach'atic ayic ta q'uinal ta ora to te ma junuc yo'tanic ta stojol Dios soc te c'aemic ta mulile, ja' nix jich ya me xq'uexaw awu'unic uuc te Nich'anile, te c'alal ya xtal soc yutsilal te State soc te ch'ul abatetic yu'une —xi' te Jesuse. —Marcos 8:38

Jich uuc te ja'exe ts'ijc'uc me awu'unic. Ac'a me yip awo'tanic, yu'un nopol ya xtalix te Cajwaltique. —Santiago 5:8

—Jich me ya xchicnaj ta yolil ch'ulchan te seña yu'un te Nich'anile. Spisil ta jchajp ants-winiquetic te ayic ta balumilale ya me xcaj yoq'ueta y sbaic, soc ya me yilic te Nich'anile. Ya me yilic te ya xtal ta bay total ta sjamalul ch'ulchan soc yu'el soc ay bayal xojobil te yutsilale —xi' te Jesuse. —Mateo 24:30

—Teme boone soc teme chajbaj awawilic cu'une, ya xcha'talon xan. Ya xtal quiq'uex bael tey a te banti ya xc'oone, tey me ya xc'oex a te ja'exe —xi' te Jesuse. —Juan 14:3

—Melel te Nich'anile ya me xtal soc yutsilal te State soc te ch'ul abatetic yu'une. Ya xtal yac'bey stojol sc'ab juju-jtul chican bi yilel te yat'el spasoje —xi' te Jesuse. —Mateo 16:27

Te melel ma sc'anjeluc nax yo'tanic te c'opojic te namey q'uinal j'alwanejetique. Melel ja' ac'bot sna' ta yo'tanic yu'un te Ch'ul Espiritu te c'opojique, te melel u'uninbilic yu'un Dios te winiquetique.

-2 Pedro 1:21

Spisil te bila ts'ibubil ta Sjun te Diose, loq'uem tel ta yo'tan te Diose. Ya xtuun cu'untic ta swenta p'ijubtesel, ta swenta comel, ta swenta tojobtesel, soc ta swenta tac'uyel ta stojil.

-2 Timoteo 3:16

Te ac'ope xojobajem cacan ta beel yu'un, soc sacuben te j be yu'une.

-Salmos 119:105

SC'OPONEL DIOS SOC SPASEL PERDÓN

—Jich yu'un te ja'exe jich me xac'oponic te Diose: “Jtatic Dios te ayat ta ch'ulchane, ac'a ich'otuc ta muc' te ach'ulbiile. Ac'a c'otuquix yorail te ya awich' ajwalinele. Ac'a pasuc sc'anjel awo'tan ta balumilal, jich bit'il te yac ta pasel ta ch'ulchane. Ac'botic we'elil swenta in c'aal to. Pasbotic perdón yu'un te bila amen jpasojtique, jich te bit'il ya jpasbeytic perdón uuc te mach'atic amen bila spasojbotique. Ma me xawac' yalucotic yu'un te yiljibal co'tantique. Coltayawotic loq'uel ta bay te bila amene. [Melel te ja'ate muc' ajwalilat atuquel, soc ay awu'el, soc ay awutsilal sbajt'el q'uinal. Jichuc]”, xaex me ta sc'oponel te Diose —xi' te Jesuse.

-Mateo 6:9-13

TE BILA CHAJBANBIL YU'UN TE DIOS SWENTA A COLEL

Ya jc'an tuluc Coltaywane cu'un.

Te melel sleoj smulic ta spisilic. Loq'uemic tey a ta bay yutsilal te Diose. —Romanos 3:23

Ya' laj ta wenta te Cristoe.

Melel jich nix uuc te Cristoe, jc'axel nax c'ax swocol ta lajel yu'un te jmultique. Jich ya xju' te ya yic'otic ta stojol te Diose. —1 Pedro 3:18a

Ya jc'an jsut'es co'tan yu'un spisil te mule.

Te mach'a ya smuc smul, ma lecuc ya xc'ot yu'un; yan te mach'a ya yal te jamal soc te ya yijq'uitay spasele, ya me sta perdón. —Proverbios 28:13

Ya cjic'j ta jtojol te Cajwal soc xch'unjel co'tan.

Yan te mach'atic la yiq'uic ta stojolique, soc te la xch'uun yo'tanic ta swenta sbiil, la yac'bey tulan yat'elic te bit'il ochic ta yal-snich'anic te Diose. —Juan 1:12

Xch'uune jco'tan te jta'ojix te jcolele.

Te mach'a xch'uunej te Snich'an Diose, ay xcuxlejal. —1 Juan 5:12a

—Jamal ya calbeyex, ja' te mach'a ya yaiybon stojol te jc'ope, soc teme ya xch'uun te mach'a la sticunon tele, ya me xcuxin sbajt'el q'uinal. Ma ba ya x'ac'ot ta castigo, jich ma'yuquix ta swenta lajel, ayix ta swenta cuxinel —xi' te Jesuse. —Juan 5:24

Te mantaliletic ts'ibubil lej ta ba'ay ch'in junetic to ja' Xch'ul C'op Dios ta Tzeltal, meel ja' swentainoj te stobjibal pas Junetic ta Lumaltic Mejiko soc nix jamal sbeic ta spasel.

A'la be'el a c'op ta ba'ay na' into jich me ya. A wich' bijubtesel te bila ts'ibubil ta Xch'ul C'op Dios:

~~~~~  
**SOLO CRISTO SALVA**

**3a. Oriente Sur No. 1816**

**Barrio San Francisco, CP. 29066**

**Tuxtla Gutiérrez, Chiapas**  
~~~~~

Ta Spamal Balumilal Pucbil loq'uel
yu'un te mach'a yich'o. Yat'el spasel te junetic.
World Missionary Press, Inc.
P.O. Box 120, New Paris, IN 46553-0120 USA